

侯赤谷城立元貴靡爲大昆彌烏就屠爲小昆彌皆賜
印綬破羌將軍不出塞還後烏就屠不盡歸諸翎侯民
衆漢復遣長羅侯惠將三校屯赤谷因爲分別其人民
地界大昆彌戶六萬餘小昆彌戶四萬餘然衆心皆附
小昆彌元貴靡鴟靡皆病死公主上書言年老土思願
得歸骸骨葬漢地天子閔而迎之公主與烏孫男女三
人俱來至京師是歲甘露三年也時年且七十賜以公
主田宅奴婢○宋祁曰舊本主作第奉養甚厚朝見儀比公主後
二歲卒三孫因留守墳墓云元貴靡子星靡代爲大昆
彌弱師古曰言其尙幼少馮夫人上書願使烏孫鎮撫星靡漢遣